

0.0.1 pāṇasuttam

1. seyyathāpi bhikkhave, puriso yaṃ imasmiṃ jambudīpe tiṇakatṭhasākhāpalāsaṃ tacchetvā ekajjhaṃ saṃhareyya, ekajjhaṃ saṃharitvā sūlaṃ kareyya, sūlaṃ katvā ye mahāsamudde mahantakā pāṇā te mahantakesu sūlesu āvuṇeyya¹, ye mahāsamudde majjhimakā pāṇā te majjhimakesu sūlesu āvuṇeyya, ye mahāsamudde sukhumakā pāṇā te subumakesu sūlesu āvuṇeyya apariyādinnā ca bhikkhave, mahāsamudde oḷārikā pāṇā assu.

2. atha imasmiṃ jambudīpe tiṇakatṭhasākhāpalāsaṃ parikkhayaṃ pariyādānaṃ gaccheyya. ato² bahutarā kho bhikkhave, mahāsamudde sukhumakā pāṇā, ye na sukarā sūlesu āvuṇituṃ. taṃ kissa hetu: sukhumattā bhikkhave, attabhāvassa. evaṃ mahā kho bhikkhave, apāyo. evaṃ mahantasmā kho bhikkhave, apāyamhā parimutto ditṭhisampanno puggalo yo "idaṃ dukkhanti" yathābhūtaṃ pajānāti. "ayaṃ dukkhasamudayoti" yathābhūtaṃ pajānāti. "ayaṃ dukkhanirodhoti" yathābhūtaṃ pajānāti. "ayaṃ dukkhanirodhagāminī paṭipadā"ti yathābhūtaṃ pajānāti.

3. tasmātiha bhikkhave, "idaṃ dukkhanti" yogo karaṇīyo, "ayaṃ dukkhasamudayoti" yogo karaṇīyo, "ayaṃ dukkhanirodhagāminī paṭipadā"ti yogo karaṇīyoti.

¹avineyya-sī 1, 2.

²ito-machasaṃ, tato-sī 1.